

617

Na osnovu člana 67. stav 3. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj: 35/5) i člana 7. stav 2. Zakona o novčanim podrškama u poljoprivredi i ruralnom razvoju Tuzlanskog kantona ("Službene novine Tuzlanskog kantona", broj: 8/14), uz prethodno mišljenje Komisije za poljoprivredu, vodoprivredu, šumarstvo i zaštitu okoliša Skupštine Tuzlanskog kantona, broj: 02-02-594-2/14 od 17.09.2014. godine, ministar poljoprivrede, šumarstva i vodoprivrede donosi

PRAVILNIK**O IZMJENI I DOPUNI PRAVILNIKA
O OSTVARIVANJU NOVČANIH PODRŠKI PO
MODELU PODRŠKE PROIZVODNJI****Član 1.**

U Pravilniku o ostvarivanju novčanih podrški po modelu podrške proizvodnji ("Službene novine Tuzlanskog kantona", broj: 11/14) u članovima 7. i 8., u stavu (2) tačka b) se briše. Dosadašnja tačka c), postaje tačka b).

Član 2.

U članu 9., u stavu (1) tačka b) se briše. Dosadašnja tačka c), postaje tačka b).

Član 3.

U članovima 10., 15., i 16. u stavu (2) tačka c) se briše.

Član 4.

Nakon poglavlja C) Regresiranje kamata na kredite namijenjene za otkup poljoprivrednih proizvoda, dodaje se novo poglavlje D), koje glasi:

**“D) PODRŠKA ORGANIZATORIMA
PROIZVODNJE U KOOPERACIJI OTKUPA
PROIZVODA IZ KOOPERACIJE I PRODAJA
TIH PROIZVODA****Član 34.**

(Podrška organizatorima proizvodnje u kooperaciji otkupa proizvoda iz kooperacije i prodaja tih proizvoda)

(1) Pravo na novčanu podršku imaju pravna lica koja organizuju člansku i kooperativnu proizvodnju kornišona na području Kantona.

(2) Pravna lica iz prethodnog stava ovog člana imaju pravo na novčanu podršku ukoliko otkupe kornišon u minimalnoj količini od 100 t.

(3) Uz zahtjev za isplatu novčane podrške korisnik, pored dokaza iz člana 4. ovog pravilnika, općinskoj službi dostavlja, u originalu ili ovjerenoj kopiji, sljedeću dokumentaciju:

a) ugovor o kooperativnoj proizvodnji između organizatora proizvodnje i proizvođača kornišona,

b) potpisanu i ovjerenu specifikaciju o količinama otkupljenog kornišona.

(4) Zahtjev sa propisanom dokumentacijom korisnik dostavlja općinskoj službi najkasnije do 31. 10. tekuće godine.

(5) Općinska služba rješenja i propisane obrasce dostavlja Ministarstvu odmah po donošenju rješenja, a najkasnije do 30. 11. tekuće godine.”

Član 5.

Dosadašnji članovi 34., 35., 36. i 37., postaju članovi 35., 36., 37. i 38.

Član 6.

Pravilnik stupa na snagu narednog dana od dana objavljivanja u "Službenim novinama Tuzlanskog kantona".

Bosna i Hercegovina
- Federacija Bosne i Hercegovine -
TUZLANSKI KANTON
Ministarstvo poljoprivrede,
šumarstva i vodoprivrede
Broj: 04/1-24-018860-2/14
Tuzla, 17.09.2014. godine

MINISTAR

Samid Šarac,
dipl.ing.agr., v.r.

618

Na osnovu člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", br. 17/00, 3/01, 12/03, 10/05, 3/08, 8/11 i 15/13), člana 50. stav 2. Zakona o šumama („Službene novine Tuzlanskog kantona“, br. 09/12 i 17/13), člana 69. stav (1) tačka 13. i člana 73. stav (2) Zakona o izvršenju Budžeta Tuzlanskog kantona za 2014. godinu („Službene novine Tuzlanskog kantona“, broj 10/14), uz prethodno mišljenje Komisije za poljoprivredu, vodoprivredu, šumarstvo i zaštitu okoliša Skupštine Tuzlanskog kantona broj: 02-02-563-2/14 od 03.09.2014. godine, ministar poljoprivrede, šumarstva i vodoprivrede u Vladi Tuzlanskog kantona donosi

**PROGRAM UTROŠKA SREDSTAVA
PRIKUPLJENIH U SKLADU SA ZAKONOM O
ŠUMAMA TK ZA 2014. GODINU****I. ZAKONSKI OSNOV ZA DONOŠENJE
PROGRAMA UTROŠKA SREDSTAVA**

Članom 50. stav 2. Zakona o šumama („Službene novine Tuzlanskog kantona“ br. 09/12 i 17/13) je propisano da će se sredstva prikupljena po članu 50. stav 1. trošiti po Programu utroška sredstava, koji na prijedlog Kantonalne uprave donosi ministar, a na koji saglasnost daje Vlada Kantona.

Članom 73. stav (2) Zakona o izvršenju Budžeta Tuzlanskog kantona za 2014. godinu, propisano je da će se raspored sredstava iz člana 69. stav (1) tačka 13., vršiti u skladu sa Programom utroška sredstava prikupljenim u skladu sa Zakonom o šumama, koji donosi resorno ministarstvo, a na koji saglasnost daje Vlada Tuzlanskog kantona. Na program iz ovog stava prethodno mišljenje daje Komisija za poljoprivredu, vodoprivredu, šumarstvo i zaštitu okoliša Skupštine Tuzlanskog kantona.

**II. PRISTUP IZRADI PROGRAMA UTROŠKA
SREDSTAVA**

Članom 47. stav 2. Zakona o šumama definisano je obezbjeđivanje sredstava iz naknada, a članom 50. stav 1. istog Zakona definisano je korištenje namjenskih sredstava koja su prihod Kantona.

Izrada Programa je bazirana na praćenjima godišnjeg iznosa prikupljenog novca po svim vrstama prihoda u 2013. godini i planiranom iznosu ubiranja tih sredstava u toku tekuće budžetske godine.

Pri izradi i projekciji iznosa sredstava koja se planiraju ovim programom bit će obuhvaćen i iznos sredstava koja se prenose iz prethodne budžetske godine.

Sve naprijed planirano izvršeno je u Budžet Tuzlanskog kantona za 2014. godinu, kojim je na poziciji potrošačke jedinice 14050001 Kantonalna uprava za šumarstvo predviđeno da se u 2014. godini utroši 2.564.169,00 KM namjenskih sredstava.